



Skýrsla um samráð

Efni samráðs

Drög að frumvarpi til laga um breytingu á lögum um tekjuskatt og lögum um staðgreiðslu skatts á fjármagnstekjur (skattlagning tekna af höfundaréttindum)

Samráð hófst

8. mars 2018.

Samráði lauk

2. mars 2018.

Fjöldi umsagna

5.

Umsagnaraðilar

Torfi Geir Símonarson, STEF, Myndstef, RSÍ og Samband íslenskra sveitarfélaga.

Samantekt um umsagnir og viðbrögð

Í umsögnum aðila var farið inn á nokkur atriði frumvarpsins sem lutu m.a. að skörun við ákvæði stjórnarskrárinnar um félagafrelsi og jafnræði, skilyrði frumvarpsins um samningskvaðaheimild og skilyrði frumvarpsins um að greiðslur hafi verið innheimtar af viðurkenndum samtökum rétthafa. Í kjölfarið tók fjármála- og efnahagsráðuneytið frumvarpið til skoðunar með hliðsjón af athugasemdum umsagnaraðila og gerði eftirfarandi breytingar á ákvæðum frumvarpsins:

- 1. gr. frumvarpsins um breytingu á 3. mgr. 66. gr. laga um tekjuskatt, nr. 90/2003, var upphaflega orðuð með eftirfarandi hætti í frumvarpsdrögunum: Við 3. mgr. 66. gr. laganna bætist nýr málslíður, svohljóðandi: Þrátt fyrir 3. tölul. A-liðar 7. gr. skulu greiðslur til höfunda og/eða annarra einstaklinga sem rétthafa er innheimtar hafa verið af viðurkenndum samtökum rétthafa sem stofna til samninga sem veita samningskvaðaheimild skv. 26. gr. a. höfundalaga, nr. 73/1972, teljast til fjármagnstekna án nokkurs frádráttar.

Eftir breytingu ráðuneytisins á frumvarpsdrögunum var ákvæðið orðað svohljóðandi: Þrátt fyrir ákvæði 3. tölul. A-liðar 7. gr. skulu greiðslur til höfunda og/eða annarra einstaklinga sem rétthafa frá viðurkenndum samtökum rétthafa teljast til fjármagnstekna án nokkurs frádráttar.

- 2. gr. frumvarpsins um nýja grein, 21. gr. a, ásamt fyrirsögn í lögum um staðgreiðsluskatts á fjármagnstekjur, var upphaflega orðuð með eftirfarandi hætti í frumvarpsdrögunum:

Greiðslur til höfunda og rétthafa frá viðurkenndum samtökum rétthafa

Ákvæði laga þessara s.s. um skilaskylda aðila, afdrátt staðgreiðslu og skilaskyldu staðgreiðslu gilda um greiðslur til höfunda og rétthafa sem innheimtar eru af viðurkenndum samtökum rétthafa, sbr. 4. málsl. 3. mgr. 66. gr. laga nr. 90/2003, um tekjuskatt. var breyting á lögum um staðgreiðslu skatts á fjármagnstekjur, nr. 94/1996,

Eftir breytingu ráðuneytisins á frumvarpsdrögunum var ákvæðið orðað svohljóðandi:

*Greiðslur til höfunda og/eða annarra einstaklinga sem rétthafa
frá viðurkenndum samtökum rétthafa.*

Ákvæði laga þessara, svo sem um skilaskylda aðila, afdrátt staðgreiðslu og skilaskyldu staðgreiðslu, gilda um greiðslur til höfunda og/eða annarra einstaklinga sem rétthafa frá viðurkenndum samtökum rétthafa, sbr. 4. málsl. 3. mgr. 66. gr. laga um tekjuskatt, nr. 90/2003.

Skjal að loknu samráði

<https://www.althingi.is/altext/149/s/1213.html>